

9. oktober 2018

UKA 2018/218

**Uunga siunnersuut: Inuit Pisinnaatitaaffii pillugit Siunnersuisoqatigiit pillugit Inatsisartut inatsisaat nr. xx, xx. xxx 2018-imeersoq.**

Kalaallit Nunaata Inuit Pisinnaatitaaffii pillugit Siunnersuisoqatigiit pillugit Inatsisartut inatsisissaattut siunnersuummut Siumumiik imaattumik oqaaseqassaagut.

Siunnersuisooqatigiit 2013-mi pilersinneqarnerminniit misilittagarilersimasaat taamatuttaarlu siunnersuisooqatigiit sulinerannut tunngasumik misissuititsisimanerit soqutigalugit misissuataarpavut.

Inuit Pisinnaatitaaffiit Kalaallit Nunaata siunnersuisooqatigiivisa sulinerat pillugu suliaqartitsinermi kaammattuutigineqartutuut namminneerlutik allattoqarfeqalernissaat. Nammineerluni allattoqarfeqalernerq ulluinnarni sulinerup pitsaanerulersittussaavaa ilaatigullu suliat erseqqinnerulernerannut peqataassalluni.

Naalagaaffiit Peqatigiit tunngavissiissutaat tunngavigalugu siunnersuisooqatigiit kiffaanngissuseqarlutik sulisussaanagerat eqqarsaatigalugu Siunnersuisooqatigiit kaammattuutigineqartutuut namminneerlutik allattoqarfeqalernissaat taamatuttaarlu namminerisaminnik missigersuutitigut oqartussaaffeqarlernissaat Siumumiik tamakkiisumik taperseratsigu oqaatigissuarpavut.

Siunnersuisooqatigiit ilaasortalersugaanagerat eqqarsaatigalugu nalilersuutaasimasut tamaasa paasilluarlugit oqaaseqaatikkut saqqummiunneqartut Siumumiik taperserpavut taamatuttaarlu ilaasortat 15-nik amerlassuseqarsimagaluartut 13-nut appartsinneqarnissaat ilalerlutigu.

Taamatut oqaaseqarluta ataatsimiititaliami susassaartumi suliarineqarnissaat innersuupparput.

Jess Svane, Siumut